

Kon **Nos** por **rekonosé, apresíá, komprené i distinguí** e **Karakter di Dios Tata?**

Dor di tuma e **Desishon di Dedikashon, Determinashon, Disiplina i Dignidat.**
E ora ei **Nos** por **Adorá Dios Tata** den **Spiritu i Bèrdat!**

Un parti di e **Karakter di Dios Tata** ta enserá;
Kompashon, Kariño, Konfiansa, Klemensia i Klaridat.
Kompashon pa esun ku tin mester di **Dios Tata** i no sa unda pa buska,
(**Salmo 119:77**).
Kariño pa **Dios Tata** su yunan aki na **mundu; Israelita i no-Israelita,**
(**Salmo 119:103**).
Konfiansa den **Dios Tata** Su **Palabra**, ku ta e úniko **Bèrdat,**
(**Salmo 119:43,142**).
Klemensia di **Dios Tata** pa tur ku ta komete **pika,**
(**Salmo 119:56**).
Klaridat den **Dios Tata** i den **Yeshua Mesias,**
(**Salmo 119:105**).

Un otro parti di e **Karakter di Dios Tata** ta enserá;
Amor, Abundansia, Alegria, Apsolushon i Adorashon.
Amor pa esun ku a bira yu di **Dios Tata** den su búskeda,
(**Juan 3:16**).
Abundansia pa **Dios Tata** su yunan aki na **mundu; Israelita i no-Israelita,**
(**Juan 10:10**).
Alegria den **Dios Tata** Su **Palabra**, ku ta e úniko **Bèrdat,**
(**Juan 8:32**).
Apsolushon di **Dios Tata** pa tur ku arepentí di **pika,**
(**Juan 1:16**).
Adorashon di **Dios Tata** i di **Yeshua Mesias,**
(**Juan 4:23**).

Asina aki **Nos** por sigui menshoná kon, kiko i ken e **Karakter di Dios Tata** ta enserá pa **Su Reino**, pero ta **Nos Desishon di Dedikashon, Determinashon, Disiplina i Dignidat** ta loke **Nos** mester **Kumpli** kune, pa trese **alma nan** den **Su Reino**, pa asina **Su Reino** sigui krese i bin na **Kompletá-shon**.

Kristu, Yeshua Mesias ta e **Persona** mas **Prinsipal** riba **mundu**, pa e **Israelita i no-Israelita**, pasobra asina **Nos** ta tresiendo **alma nan** den **Su Reino**. E **Amor** di **Kristu, Yeshua Mesias**, ta dje **Poderoso** ei ku henter **mundu; Israelita i no-Israelita**, lo **rekonosé Yeshua Mesias** komo **Esun Ungi, Esun ku Ta, Tabata i Ta Bin**. Ta pa esei **Yeshua** a bisa **Nos** pa **Nos** tin **Pas Perfekto**, pasobra den **mundu Nos** lo tin **tribulashon, angustia i sufrimentu**, pero sea **Balente, Konfia i sin miedu, yena ku goso**. Paso **AMI** a vense e **mundu, AMI Su viktoria ta Kompletá, AMI Su viktoria ta Permanente,** (**Juan 16:33**).

18 November 2016
Sea Bendishoná den e Amor di Yeshua Mesias
Rev. Remsly L Riley